


413
966
7



113  
966  
7

御選唐宋詩醇卷之十一

襄陽杜甫詩三

目錄

乾元中寓居同谷縣作歌七首

水會渡

飛仙閣

龍門閣

石櫃閣

桔柏渡

天正十五年二月  
花房仙文郎氏寄贈

劍門

成都府

石犀行

題壁畫馬歌

戲題畫山水圖歌

題李尊師松樹障子歌

戲為雙松圖歌

病柏

病橘

枯櫟

枯柟

戲作花卿歌

柟樹為風雨所拔嘆

茅屋為秋風所破歌

天邊行

苦戰行

述古

觀打魚歌

又觀打魚

越王樓歌

冬到金華山觀因得故拾遺陳公學堂遺跡

通泉驛南去通泉縣十五里山水作

過郭代公故宅

短歌行

桃竹杖引

韋諷錄事宅觀曹將軍畫馬圖

丹青引

發閬中

寄韓諫議

憶昔

冬狩行

別唐十五誠因寄禮部賈侍郎

閬山歌

閬水歌

草堂

太子張舍人遺織成褥段

杜鵑

客堂

水閣朝霽奉簡嚴雲安

蠶穀行

古柏行

縛雞行

牽牛織女

殿中楊監見示張旭草書圖

課伐木

槐葉冷淘

行官張望補稻畦水歸

上後園山腳

驅豎子摘蒼耳

秋行官張望督促東渚耗稻向畢清晨遣女  
奴阿稽豎子阿段往問

御選唐宋詩醇卷之十一

襄陽杜甫詩三

乾元中寓居同谷縣作歌七首

有客有客字子美。白頭亂髮垂過耳。歲拾橡栗隨  
狙公。天寒日暮山谷裏。中原無書歸不得。手脚凍  
皸。皮肉死。嗚呼一歌兮。歌已哀。悲風為我從天來。

舊唐書時穀食踴貴甫寓居成州同谷縣自負

薪拾梠兒女饑殍者數人

長鑱長鑱白木柄。我生託子以為命。黃獨無苗山

御選唐宋詩醇

卷十一

杜甫

乾元中寓居同谷縣

一

雪○盛○短○衣○數○挽○不○掩○脛○此○時○與○子○空○歸○來○男○呻○女○  
吟○四○壁○靜○嗚○呼○二○歌○兮○歌○始○放○鄰○里○爲○我○色○惆○悵○  
仇○兆○鼇○曰○山○谷○云○陳○藏○器○本○草○載○黃○獨○遇○霜○雪○  
枯○無○苗○蓋○蹲○鴟○之○類○蔡○夢○弼○引○別○注○云○黃○獨○歲○  
饑○土○人○掘○以○充○糧○公○詩○屢○用○黃○精○不○必○作○黃○獨○  
按○公○詩○若○太○平○寺○泉○眼○及○丈○人○山○皆○爲○引○年○而○  
發○此○歌○則○爲○救○饑○而○言○主○黃○獨○爲○是○  
有○弟○有○弟○在○遠○方○三○人○各○瘦○何○人○強○生○別○展○轉○不○  
相○見○胡○塵○暗○天○道○路○長○東○飛○駕○鶩○後○鶩○鶴○安○得○送○

我○置○汝○旁○嗚○呼○三○歌○兮○歌○三○發○汝○歸○何○處○收○兄○骨○

趙○叟○曰○公○四○弟○曰○穎○觀○豐○占○各○散○在○他○郡○惟○占○

從○公○入○蜀

有○妹○有○妹○在○鍾○離○良○人○早○歿○諸○孤○癡○長○淮○浪○高○蛟○  
龍○怒○十○年○不○見○來○何○遲○扁○舟○欲○往○箭○滿○眼○杳○杳○南○  
國○多○旌○旗○嗚○呼○四○歌○兮○歌○四○奏○林○猿○爲○我○啼○清○晝○  
朱○鶴○齡○曰○猿○多○夜○嘯○今○嘯○清○晝○極○言○其○悲○也○解○

作○竹○林○穿○鑿○難○信

四○山○多○風○溪○水○急○寒○雨○颯○颯○枯○樹○濕○黃○蒿○古○城○雲○

不。開。白。狐。跳。梁。黃。狐。立。我。生。何。為。在。窮。谷。中。夜。起。  
 坐。萬。感。集。嗚。呼。五。歌。兮。歌。正。長。魂。招。不。來。歸。故。鄉。  
 仇。兆。鰲。曰。此。歌。忽。然。變。調。寫。得。山。昏。水。惡。雨。驟。  
 風。狂。荒。城。晝。暝。野。狐。羣。嘯。頓。覺。空。谷。孤。危。萬。感。  
 交。迫。招。魂。於。生。前。收。骨。於。死。後。見。存。亡。總。不。能。  
 自。必。矣。

南。有。龍。兮。在。山。湫。古。木。龍。樅。枝。相。樛。木。葉。黃。落。龍。  
 正。蟄。腹。蛇。東。來。水。上。遊。我。行。怪。此。安。敢。出。拔。劍。欲。  
 斬。且。復。休。嗚。呼。六。歌。兮。歌。思。遲。溪。壑。為。我。迴。春。姿。

王道俊曰前後六章皆自敘流離之感不應此  
 章獨譏時事蓋詠同谷萬丈潭之龍也郭知達  
 引蘇注云此詩南有龍喻明皇在南內東坡必  
 無是言

男。兒。生。不。成。名。身。已。老。三。年。饑。走。荒。山。道。長。安。卿。  
 相。多。少。年。富。貴。應。須。致。身。早。山。中。儒。生。舊。相。識。但。  
 話。宿。昔。傷。懷。抱。嗚。呼。七。歌。兮。悄。終。曲。仰。視。皇。天。白。  
 日。速。

慷慨悲歌足以裂山石而立海水殆所謂自鑄離



騷者史遷云人勞苦倦極未嘗不呼天也疾痛慘  
怛未嘗不呼父母也甫之遇爲何如哉流離困頓  
轉徙山谷仰天一呼萬感交集而筆之奇氣之豪  
又足以發其所感淋漓頓挫自成音節自古及今  
不可有二宋祁云莫肯念亂小雅怨自然流泣袁  
安愁此之謂矣歌中思及弟妹字字至情南有龍  
一篇感時憫亂實有寓意若謂爲明皇而作則不  
免牽合耳

李廌曰太白遠別離蜀道難與子美同谷七歌

風騷極致不在屈宋之下

胡應麟曰杜七歌亦倣張衡四愁然七歌奇崛  
雄深四愁和平婉麗漢唐短歌各爲絕唱所謂  
異曲同工

王嗣奭曰七歌創作原不做離騷而哀實過之  
讀離騷未必墮淚而讀此不能終篇則以節短  
而聲促也

仇兆鼇曰七歌結語皆本蔡琰胡笳

水會渡

山行有常程。中夜尙未安。微月沒已久。崖傾路何難。大江動我前。洶若溟渤寬。篙師暗理楫。歌笑輕波瀾。霜濃木石滑。風急手足寒。入舟已千憂。陟嶮仍萬盤。迴眺積水外。始知眾星乾。遠遊令人瘦。衰疾慙加餐。

仇兆鰲曰曹孟德詩星漢燦爛若出其裏與杜句可參看

飛仙閣

土門山行窄。微徑緣秋豪。棧雲闌干峻。梯石結構

牢。萬壑欹疏林。積陰帶奔濤。寒日外淡泊。長風中怒號。歇鞍在地底。始覺所歷高。往來雜坐臥。人馬同疲勞。浮生有定分。饑飽豈可逃。歎息謂妻子。我何隨汝曹。

龍門閣

清江下龍門。絕壁無尺土。長風駕高浪。浩浩自太古。危途中縈盤。仰望垂綫縷。滑石欹誰鑿。浮梁裊相拄。目眩隕雜花。頭風吹過雨。百年不敢料。一墜那得取。飽聞經瞿塘。足見度大庾。終身歷艱險。恐

懼從此數。

石櫃閣

季冬日已長。山晚半天赤。蜀道多早花。江閒饒奇石。石櫃曾波上。臨虛蕩高壁。清暉回羣鷗。暝色帶遠客。羈棲負幽意。感歎向絕跡。信甘孱。嬰不獨。凍餒迫。優游謝康樂。放浪陶彭澤。吾衰未自安。謝爾性所適。暝色帶遠客。造語入妙光。祿坂行云暝。色無人獨歸。客雋致滅矣。

桔柏渡

青冥寒江渡。駕竹為長橋。竿濕煙漠漠。江永風蕭蕭。蕭連竿動嫋娜。征衣颯飄飄。急流鵝鷓散。絕岸鼉鼉。鼉驕西轅自茲異。東逝不可要。高通荆門路。闊會滄海潮。孤光隱顧眄。遊子悵寂寥。無以洗心胸。前登但山椒。

劍門

惟天有設險。劍門天下壯。連山抱西南。石角皆北向。兩崖崇墉倚。刻畫城郭狀。一夫怒臨關。百萬未

可。傍。珠。玉。走。中。原。岷。峨。氣。悽。愴。三。皇。五。帝。前。雞。犬。各。相。放。後。王。尙。柔。遠。職。貢。道。已。喪。至。今。英。雄。人。高。視。見。霸。王。并。吞。與。割。據。極。力。不。相。讓。吾。將。罪。真。宰。意。欲。鏟。疊。嶂。恐。此。復。偶。然。臨。風。默。惆。悵。

危時之慮與劔閣銘固自有異若李商隱并絡一首乃用銘意者

江盈科曰少陵秦州以後詩突兀宏肆迥異昔作非有意換格蜀中山水自是挺特奇崛獨能象景傳神使人讀之山川歷落居然在眼所謂

春蠶結繭隨物肖形乃爲真詩人真手筆也

胡夏客曰劔門詩因劔閣銘而成但銘詞出以莊嚴此詩尤加雄肆用古而能勝於古人方稱作家

朱鶴齡曰蜀爲財賦所出自明皇臨幸供億不貲民力盡矣民力盡而寇盜乘之晉李特流人之禍可爲明鑒此詩故有岷峨悽愴與英雄割據之慮也

成都府

翳翳桑榆日照我征衣裳。我行山川異，忽在天一方。但逢新人民，未卜見故鄉。大江東流去，遊子去日長。曾城填華屋，季冬樹木蒼。喧然名都會，吹簫聞笙簧。信美無與適，側身望川梁。烏雀夜各歸，中原杳茫茫。初月出不高，眾星尙爭光。自古有羈旅，我何苦哀傷。

語意多本古人較途中諸作雖氣度少舒而憂思未嘗忘也初月兩語上承中原一句王應麟以謂肅宗初立盜賊未息最爲得解蓋至此身事少定不覺念及朝廷甫豈須與忘君者哉

石犀行

君不見秦時蜀太守刻石立作三犀牛。自古雖有厭勝法天生江水向東流蜀人矜誇一千載泛溢不近張儀樓今年灌口損戶口此事或恐爲神羞終藉隄防出眾力高擁木石當清秋先王作法皆正道詭怪何得參人謀嗟爾三犀不經濟缺訛只與長川逝但見元氣常調和自免洪濤恣凋瘵安得壯士提天綱再平水土犀奔茫。

斥不經之談歸之正道筆力傑莫不落言筌視石  
筍行尤為擅勝

題壁畫馬歌 原注韋偃畫

韋侯別我有所適知我憐君畫無敵。戲拈秃筆掃  
驊。歛見騏驎出東壁。一匹齧草一匹嘶。坐看千  
里當霜蹠。時危安得真致此。與人同生亦同死。  
屹然健筆轉出命意乃詩人之旨

戲題畫山水圖歌 原注王宰畫  
宰丹青絕倫

十日畫一水五日畫一石能事不受相促迫。王宰

始肯留真跡。壯哉崑崙方壺圖。挂君高堂之素壁。  
巴陵洞庭日本東。赤岸水與銀河通。中有雲氣隨  
飛龍舟人漁子入浦漵。山木盡亞洪濤風。尤工遠  
勢古莫比咫尺應須論萬里焉得并州快剪刀。剪  
取吳松半江水。

無名氏西清詩話曰梁蕭文奐善畫於扇上圖  
山水咫尺之內便覺萬里為遙老杜云尤工遠  
勢古莫比咫尺應須論萬里乍讀似非用事如  
男兒既介胄長揖別上官用介胄之士不拜婦

人在軍中兵氣恐不揚。用軍中豈有女子乎。皆用其事而隱其語。

題李尊師松樹障子歌

老夫清晨梳白頭。元都道士來相訪。握髮呼兒延入戶。手提新畫青松障。障子松林靜杳冥。憑軒忽若無丹青。陰崖却承霜雪幹。偃蓋反走虬龍形。老夫平生好奇古。對此興與精靈聚。已知仙客意相親。更覺良工心獨苦。松下丈人巾屨同。偶坐似是商山翁。悵望聊歌紫芝曲。時危慘澹來悲風。

戲爲雙松圖歌

原注  
韋偃

天下幾人畫古松。畢宏已老韋偃少。絕筆長風起。織末滿堂動色。嗟神妙。兩株慘裂苔蘚皮。屈鐵交錯迴高枝。白摧朽骨龍虎死。黑入大陰雷雨垂。松根胡僧憩寂寞。龐眉皓首無住著。偏袒右肩露雙腳。葉裏松子僧前落。韋侯數相見。我有一匹好東絹。重之不減錦繡段。已令拂拭光凌亂。請公放筆爲直幹。

題畫諸篇刻意冥搜積思獨造與太白觀粉圖山

水諸篇並駕齊驅遂為此體之祖至於思業高奇  
絕幽鑿險則杜老又似稍優者蓋其詣力所近更  
覺良工心獨苦也

沈德潛曰突兀起不妨平接如堂上不合生楓  
樹下云聞君掃却赤縣圖是也平調起必警語  
接此詩是也學者如此求之思過半矣

病柏

有柏生崇岡。童童狀車蓋。偃蹇龍虎姿。主當風雲  
會。神明依正直。故老多再拜。豈知千年根。中路顏

色壞。出非不得地。蟠據亦高大。歲寒忽無憑。日夜  
柯葉改。丹鳳領九雛。哀鳴翔其外。鴟鴞志意滿。養  
子穿穴內。客從何鄉來。伫立久吁怪。靜求元精理。  
浩蕩難倚賴。

託喻之言可垂鑒戒

葉夢得曰此詩為明皇而作

病橘

羣橘少生意。雖多亦奚為。惜哉結實小。酸澀如棠  
梨。剖之盡蠹蟲。采掇爽其宜。紛然不適口。豈只存



其皮蕭蕭半死葉未忍別故枝。元冬霜雪積。況乃迴風吹。嘗聞蓬萊殿。羅列瀟湘姿。此物歲不稔。玉食失光輝。寇盜尙憑陵。當君減膳時。汝病是天意。吾諗罪有司。憶昔南海使。奔騰獻荔支。百馬死山谷。到今耆舊悲。

因病橘而回憶荔支婉轉言之多少慨歎

枯櫻

蜀門多櫻櫚。高者十八九。其皮割剝甚。雖眾亦易朽。徒布如雲葉。青黃歲寒後。交橫集斧斤。凋喪先

蒲柳傷時苦軍乏。一物官盡取。嗟爾江漢人。生成復何有。有同枯櫻木。使我沈嘆久。死者即已休。生者何自守。啾啾黃雀啁。側見寒蓬走。念爾形影乾。摧殘沒藜莠。

仇兆鰲曰詩中詠物之作有就本題作結者此章是也有借客意作結者病橘枯柟是也可悟詩家擒縱之法

枯柟

梗柟枯崢嶸。鄉黨皆莫記。不知幾百歲。慘慘無生

意。上。枝。摩。皇。天。下。根。蟠。厚。地。巨。圍。雷。霆。折。萬。孔。蟲。  
蟻。萃。凍。雨。落。流。膠。衝。風。奪。佳。氣。白。鶴。遂。不。來。天。雞。  
為。愁。思。猶。含。棟。梁。具。無。復。霄。漢。志。良。工。古。昔。少。識。  
者。出。涕。淚。種。榆。水。中。央。成。長。何。容。易。截。承。金。露。盤。  
裊。裊。不。自。畏。

四詩皆託物起興風人之嗣音也

葉夢得曰此詩當是為房次律而作

浦起龍曰四詩寄託遙深斂鋒鏑為之力追古

作者

戲作花卿歌

成。都。猛。將。有。花。卿。學。語。小。兒。知。姓。名。用。如。快。鶻。風。  
火。生。見。賊。唯。多。身。始。輕。綿。州。副。使。著。柘。黃。我。卿。掃。  
除。即。日。平。子。璋。髑。髏。血。模。糊。手。提。擲。還。崔。大。夫。李。  
侯。重。有。此。節。度。人。道。我。卿。絕。世。無。既。稱。絕。世。無。天。  
子。何。不。喚。取。守。京。都。  
收。筆。婉。轉。自。如。所。謂。意。愜。關。飛。動。者。不。獨。子。璋。一。  
句。凜。凜。有。生。色。也。

唐書上元二年四月梓州刺史段子璋反襲東

川節度使李奐於綿州自稱梁王五月成都尹  
崔光遠率將花敬定攻拔綿州斬子璋

柟樹爲風雨所拔歎

倚江柟樹草堂前故老相傳二百年。誅茅卜居總  
爲此五月髣髴聞寒蟬。東南飄風動地至江翻石  
走流雲氣幹排雷雨猶力爭根斷泉源豈天意滄  
波老樹性所愛蒲上童童一青蓋。野客頻留懼雪  
霜行人不過聽竽籟。虎倒龍顛委榛棘。淚痕血點  
垂胸臆。我有新詩何處吟。草堂自此無顏色。

勢取矯厲意主樸真

茅屋爲秋風所破歌

八月秋高風怒號。卷我屋上三重茅。茅飛度江灑  
江郊。高者掛罨長林梢。下者飄轉沈塘坳。南村羣  
童欺我老無力。忍能對面爲盜賊。公然抱茅入竹  
去。脣焦口燥呼不得。歸來倚杖自歎息。俄頃風定  
雲墨色。秋天漠漠向昏黑。布衾多年冷似鐵。驕兒  
惡臥踏裏裂。牀牀屋漏無乾處。雨脚如麻未斷絕。  
自經喪亂少睡眠。長夜沾濕何由徹。安得廣廈千

萬○閒○大○庇○天○下○寒○士○俱○歡○顏○風○雨○不○動○安○如○山○鳴○  
呼○何○時○眼○前○突○兀○見○此○屋○吾○廬○獨○破○受○凍○死○亦○足○  
極○無○聊○事○以○直○寫○見○筆○力○入○後○大○波○軒○然○而○起○疊○  
筆○作○收○如○龍○掉○尾○非○僅○見○此○老○胸○懷○若○無○此○意○則○  
詩○亦○可○不○作○

朱鶴齡曰白樂天云安得布裘長萬丈與君都  
蓋洛陽城同此意

天邊行

天○邊○老○人○歸○未○得○日○暮○東○臨○大○江○哭○隴○右○河○源○不○

種○田○胡○騎○羌○兵○入○巴○蜀○洪○濤○滔○天○風○拔○木○前○飛○禿○  
鶯○後○鴻○鵠○九○度○附○書○向○洛○陽○十○年○骨○肉○無○消○息○

苦戰行

苦○戰○身○死○馬○將○軍○自○云○伏○波○之○子○孫○干○戈○未○定○失○  
壯○士○使○我○歎○恨○傷○精○魂○去○年○江○南○討○狂○賊○臨○江○把○  
臂○難○再○得○別○時○孤○雲○今○不○飛○時○獨○看○雲○淚○橫○臆○  
情○溢○乎○詞○音○長○節○短○

述古

赤○驥○頓○長○纓○非○無○萬○里○姿○悲○鳴○淚○至○地○爲○問○馭○者○

誰鳳皇從東來何意復高飛竹花不結實念子忍朝飢古時君臣合可以物理推賢人識定分進退固其宜

唐汝詢曰驥無良馭則踈萬里之能鳳無竹實則高飛而不下君臣相合之義當以此理推之賢者固知所自守而用人者可不加之意乎市人日中集於利競錐刀置膏烈火上哀哀自煎熬農人望歲稔相率除蓬蒿所務穀爲本邪贏無乃勞舜舉十六相身尊道何高秦時任商鞅法令

如牛毛

比賦相兼名論不朽蘇軾以末四句爲稷契輩人語信有其意

朱鶴齡曰是時第五琦劉晏皆以宰相領度支鹽鐵使權稅四出利析錐刀故言爲治之道在乎惇本抑末舉良相以任之不當用興利之臣以滋民僞也

觀打魚歌

綿州江水之東津魴魚鱖魚色勝銀漁人漾舟沈

大網截江一擁數百鱗。眾魚常才盡却棄赤鯉騰。  
出如有神潛龍無聲老蛟怒回風颯颯吹沙塵。饗  
子左右揮霜刀。膾飛金盤白雪高。徐州禿尾不足  
憶。漢陰槎頭遠遁逃。魴魚肥美知第一。既飽歡娛  
亦蕭瑟君不見朝來割素髻。咫尺波濤永相失。

又觀打魚

蒼江漁子清晨集。設網提綱萬魚急。能者操舟疾  
若風。撐突波濤挺叉入。小魚脫漏不可記。半死半  
生猶戢戢。大魚傷損皆垂頭。屈強泥沙有時立。東

津觀魚已再來。主人罷膾還傾盃。日暮蛟龍改窟  
穴。山根鱸鮓隨雲雷。干戈兵革鬪未止。鳳凰麒麟  
安在哉。吾徒胡爲縱此樂。暴殄天物聖所哀。

指事言情詞意簡遠如龍門之桐百尺無枝又如  
萬石洪鐘不作細響此所以爲大家

仇兆鼇曰從竭澤而漁處寫出慘酷可憐之狀  
具見愛物仁心

黃生曰前詩寓感此詩寓規體物既精命意復  
遠

越王樓歌

綿州州府何磊落。顯慶年中越王作。孤城西北起  
高樓。碧瓦朱甍照城郭。樓下長江百丈清。山頭落  
日半輪明。君王舊跡今人賞。轉見千秋萬古情。  
泠泠雅調或謂做王子安滕王閣而風致小遜非  
也

冬到金華山觀因得故拾遺陳公學堂遺跡  
涪右眾山內。金華紫崔嵬。上有蔚藍天。垂光抱瓊  
臺。繫舟接絕壁。杖策窺縈回。四顧俯層巔。淡然川

谷開。雪嶺日色死。霜鴻有餘哀。焚香玉女跪。霧裏  
仙人來。陳公讀書堂。石柱仄青苔。悲風爲我起。激  
烈傷雄才。

通泉驛南去通泉縣十五里山水作

溪行衣自濕。亭午氣始散。冬温蚊蚋在人遠。鳧鴨  
亂登頓。生曾陰。欹傾出高岸。驛樓衰柳側。縣郭輕  
煙畔。一川何綺麗。盡日窮壯觀。山色遠寂寞。江光  
夕滋漫。傷時愧孔父。去國同王粲。我生苦飄零。所  
歷有嗟嘆。

眼前景色寫出自有佳致

過郭代公故宅

豪俊初未遇。其跡或脫略。代公尉通泉。放意何自若。及夫登袞冕。直氣森噴薄。磊落見異人。豈伊常情度。定策神龍後。宮中翕清廓。俄頃辨尊親。指揮存顧託。羣公有慚色。王室無削弱。迥出名臣上。丹青照臺閣。我行得遺跡。池館皆疏鑿。壯公臨事斷。顧步涕橫落。高咏寶劍篇。神交付冥漠。

仇兆鼇曰俄頃辨尊親推其決幾之明壯公臨

事斷服其應變之敏二語能寫出代公身分苟或之失身誤於不能辨陳竇之憤事失於不能斷杜詩論人必具特識推此可見

短歌行 原注贈王郎司直

王郎酒酣拔劍斫地歌莫哀。我能拔爾抑塞磊落之奇才。豫樟翻風白日動。鯨魚跋浪滄溟開。且脫佩劍休徘徊。西得諸侯棹錦水。欲向何門跋珠履。仲宣樓頭春色深。青眼高歌望吾子。眼中之人吾老矣。



劉會孟曰豪氣激人堂堂復堂堂

盧世滄曰突兀橫絕跌宕悲涼

桃竹杖引

江心蟠石生桃竹。蒼波噴浸尺度足。斬根削皮如紫玉。江妃水仙惜不得。梓潼使君開一束。滿堂賓客皆歎息。憐我老病贈兩莖。出入爪甲鏗有聲。老夫復欲東南征。乘濤鼓枻白帝城。路幽必為鬼神奪。拔劍或與蛟龍爭。重為告曰杖兮杖兮。爾之生也甚正直。慎勿見水踴躍學變化。為龍使我不得。

爾之扶持滅跡於君山湖上之青峰。噫風塵瀕洞兮豺虎咬人。忽失雙杖兮吾將曷從。奇變酷似太白老杜真乃無所不有。

朱鶴齡曰此詩蓋借竹杖以規諷章留後也。既以踴躍為龍戒之。又以復失雙杖危之。其微旨可見。

仇兆鼂曰宋之間騷體詩有嵩山天門歌杜詩此篇所自出。然杜之靈奇却勝於宋之雋麗。

韋諷錄事宅觀曹將軍畫馬圖

國初已來畫鞍馬神妙獨數江都王將軍得名三十載人間又見真乘黃曾貌先帝照夜白龍池十日飛霹靂內府殷紅馬腦盤婕妤好傳詔才人索盤賜將軍拜舞歸輕紈細綺相追飛貴戚權門得筆跡始覺屏障生光輝昔日太宗拳毛騮近時郭家師子花今之畫圖有二馬復令識者久歎嗟此皆騎戰一敵萬縞素漠漠開風沙其餘七匹亦殊絕迴若寒空動煙雪霜蹄蹴踏長楸間馬官廐養森成列可憐九馬爭神駿顧視清高氣深穩借問苦

心愛者誰後有韋諷前支遁憶昔巡幸新豐宮翠華拂天來向東騰驤磊落三萬匹皆與此圖筋骨同自從獻寶朝河宗無復射蛟江水中君不見金粟堆前松柏裏龍媒去盡鳥呼風

蒼莽歷落中法律深細前從照夜白敘入卽伏末段感慨中間錯綜九馬文勢跌宕可謂毫髮無遺憾波瀾獨老成矣七古至於老杜浩浩落落獨往獨來神龍在霄連蜷變化不可方物天馬行空脫去羈勒足以橫睨一世獨有千古東坡書韓幹牧

馬圖猶非其匹况他人乎

丹青引

原注贈曹將軍霸

將軍魏武之子孫於今爲庶爲清門英雄割據雖已矣文彩風流猶尚存學書初學衛夫人但恨無過王右軍丹青不知老將至富貴於我如浮雲開元之中常引見承恩數上南薰殿凌煙功臣少顏色將軍下筆開生面良相頭上進賢冠猛將腰間大羽箭褒公鄂公毛髮動英姿颯爽來酣戰先帝天馬五花驄畫工如山貌不同是日牽來赤墀下

迴立閭闔生長風詔謂將軍拂絹素意匠慘淡經營中斯須九重眞龍出一洗萬古凡馬空玉花却在御榻上榻上庭前屹相向至尊含笑催賜金圍人太僕皆惆悵弟子韓幹早入室亦能畫馬窮殊相幹惟畫肉不畫骨忍使驂騑氣凋喪將軍畫善蓋有神必逢佳士亦寫眞卽今飄泊干戈際屢貌尋常行路人途窮反遭俗眼白世上未有如公貧但看古來盛名下終日坎壈纏其身起筆老橫開元之中以下敘昔日之遇正爲末段

反照丹青之妙見贈言之義明矣通篇瀏灑頓挫  
節奏之妙於斯為極

許顥曰老杜丹青引一洗萬古凡馬空東坡觀  
吳道子畫壁詩筆所未到氣已吞二公之詩足  
以當之

沈德潛曰畫人畫馬賓主相形縱橫跌蕩此種  
篇法得之於心應之於手有化工而無人力莫  
能贊歎其妙

發閨中

前○有○毒○蛇○後○猛○虎○溪○行○盡○日○無○村○塢○江○風○蕭○蕭○雲○  
拂○地○山○木○慘○慘○天○欲○雨○女○病○妻○憂○歸○意○速○秋○花○錦○  
石○誰○復○數○別○家○三○月○一○得○書○避○地○何○時○免○愁○苦○

寄韓諫議

今○我○不○樂○思○岳○陽○身○欲○奮○飛○病○在○牀○美○人○娟○娟○隔○  
秋○水○濯○足○洞○庭○望○八○荒○鴻○飛○冥○冥○日○月○白○青○楓○葉○  
赤○天○雨○霜○玉○京○羣○帝○集○北○斗○或○騎○騏○驎○翳○鳳○凰○芙○  
蓉○旌○旗○煙○霧○樂○影○動○倒○景○搖○瀟○湘○星○宮○之○君○醉○瓊○  
漿○羽○人○稀○少○不○在○旁○似○聞○昨○者○赤○松○子○恐○是○漢○代○

韓張良昔隨劉氏定長安。帷幄未改神慘傷。國家  
成敗吾豈敢。色難腥腐餐風香。周南留滯古所惜。  
南極老人應壽昌。美人胡爲隔秋水。焉得置之貢  
玉堂。

黃生曰錢謙益謂此詩欲韓貢李秘於玉堂者  
其說近鑿公蓋與韓有舊故作此寄之按史記  
索隱注云子房本韓之公族故曰漢代韓張良  
所指本自明白

浦起龍曰原本楚騷亦近太白

憶昔

憶昔開元全盛日。小邑猶藏萬家室。稻米流脂粟  
米白。公私倉廩俱豐實。九州道路無豺虎。遠行不  
勞。吉日出齊紈。魯縞車班班。男耕女桑不相失。宮  
中聖人奏雲門。天下朋友皆膠漆。百餘年間未災  
變。叔孫禮樂蕭何律。豈聞一絹直萬錢。有田種穀  
今流血。洛陽宮殿燒焚盡。宗廟新除狐兔穴。傷心  
不忍問耆舊。復恐初從亂離說。小臣魯鈍無所能。  
朝廷記識蒙祿秩。周宣中興望我皇。灑血江漢身

衰疾

居然變雅治亂相形極其沈痛

王嗣爽曰百餘年閒二句蓋言法度之存亡關乎國家之理亂先敘此二語隨用豈間二字轉下如快馬驀澗是何等筆力  
仇兆鼈曰明皇當豐亨豫大時忽盈虛消息之理致開元變為天寶流禍兩朝而亂猶未已此詩於理亂興亡之故反覆痛陳蓋亟望代宗撥亂反治復見開元之盛焉

冬狩行

原注時梓州刺史章彝兼侍御史留後東川

君不見東川節度兵馬雄校獵亦似觀成功夜發  
猛士三千人清晨合圍步驟同禽獸已斃十七八  
殺聲落日迴蒼穹幕前生致九青兕駝巖崖垂  
元熊東西南北百里間髣髴蹴踏寒山空有鳥名  
鷓鴣力不能高飛逐走蓬肉味不足登鼎俎何為  
見羈虞羅中春蒐冬狩侯得同使君五馬一馬驄  
况今攝行大將權號令頗有前賢風飄然時危一  
老翁十年厭見旌旗紅喜君士卒甚整肅為我迴

轡擒西戎草中狐兔盡何益天子不在咸陽宮朝  
廷雖無幽王禍得不哀痛塵再蒙嗚呼得不哀痛  
塵再蒙

大義凜然及今誦之如見其壯顏毅色

申涵光曰草中狐兔盡何益二句即賈生不獵  
猛敵而獵禽獸意

王洙曰代宗在陝詔徵天下兵時程元振用事  
無一人應詔者故章末感激言之

別唐十五誠因寄禮部賈侍郎

九載一相逢百年能幾何復為萬里別送子山之  
阿白鶴久同林潛魚本同河未知棲集期衰老強  
高歌歌罷兩悽惻六龍忽蹉跎相視髮皓白况難  
駐羲和胡星墜燕地漢將仍橫戈蕭條四海內人  
少豺虎多少人慎莫投多虎信所過飢有易子食  
獸猶畏虞羅子負經濟才天門鬱嵯峨飄飄適東  
周來往若崩波南宮吾故人白馬金盤陶雄筆映  
千古見賢心靡他念子善師事歲寒守舊柯為吾  
謝賈公病肺臥江沱

梅堯臣曰飢有易子食一語含蓄甚深殆不可模倣

閩山歌

閩州城東靈山白。閩州城北玉臺碧。松浮欲盡不盡雲。江動將崩未崩石。那知根無鬼神會。已覺氣與嵩華敵。中原格鬪且未歸。應結茅齋看青壁。

閩水歌

嘉陵江色何所似。石黛碧玉相因依。正憐日破浪花出。更復春從沙際歸。巴童蕩槳歆側過。水雞銜

魚來去飛。閩中勝事可腸斷。閩中城南天下稀。

一二詩著語奇秀。覺空翠撲人。冲襟相照。

草堂

昔我去草堂。蠻夷塞城都。今我歸草堂。城都適無虞。請陳初亂時。反覆乃須臾。大將赴朝廷。羣小起異圖。中宵斬白馬。盟敵氣已麤。西取邛南兵。北斷劍閣隅。布衣數十人。亦擁專城居。其勢不兩大。始聞蕃漢殊。西卒却倒戈。賊臣互相誅。焉知肘腋禍。自及梟獍徒。義士皆痛憤。紀綱亂相踰。一國實三



公萬人欲爲魚唱和作威福孰肯辨無辜眼前列  
杻械背後吹笙竽談笑行殺戮濺血滿長衢到今  
用鉞地風雨聞號呼鬼妾與鬼馬色悲充爾娛國  
家法令在此又足驚吁賤子且奔走三年望東吳  
弧矢暗江海難爲遊五湖不忍竟舍此復來薙榛  
蕪入門四松在步履萬竹疏舊犬喜我歸低徊入  
衣裾鄰舍喜我歸沽酒攜胡蘆大官喜我來遣騎  
問所須城郭喜我來賓客隘村墟天下尙未寧捷  
兒勝腐儒飄飄風塵際何地置老夫於時見疣贅  
骨髓幸未枯飲啄媿殘生食薇不敢餘

記離亂事可補史氏之闕

錢謙益曰寶應元年四月嚴武入朝七月劍南  
西川節度使徐知道反八月伏誅公攜家避亂  
往梓州廣德二年武鎮劍南公復還成都草堂  
此詩云大將赴朝廷羣小起異圖謂武入朝而  
知道反也北斷劍閣隅謂知道以兵守要害武  
不得出也賊臣互相誅謂知道爲其下李忠厚  
所殺也

太子張舍人遺織成褥段

客○從○西○北○來○遺○我○翠○織○成○開○緘○風○濤○湧○中○有○掉○尾  
鯨○透○迤○羅○水○族○瑣○細○不○足○名○客○云○充○君○褥○承○君○終  
宴○榮○空○堂○魑○魅○走○高○枕○形○神○清○領○客○珍○重○意○顧○我  
非○公○卿○留○之○懼○不○祥○施○之○混○柴○荆○服○飾○定○尊○卑○大  
哉○萬○古○程○今○我○一○賤○老○裋○褐○更○無○營○煌○煌○珠○宮○物  
寢○處○禍○所○嬰○歎○息○當○路○子○干○戈○尙○縱○橫○掌○握○有○權  
柄○衣○馬○自○肥○輕○李○鼎○死○岐○陽○實○以○驕○貴○盈○來○瑱○賜  
自○盡○氣○豪○直○阻○兵○皆○聞○黃○金○多○坐○見○悔○吝○生○奈○何

田○含○翁○受○此○厚○貺○情○錦○鯨○卷○還○客○始○覺○心○和○平○振  
我○麤○席○塵○媿○客○茹○藜○羹

因○小○見○大○殊○有○關○於○典○制○足○以○正○人○心○而○厚○風○俗  
錢○謙○益○曰○史○稱○嚴○武○累○年○在○蜀○肆○志○逞○欲○恣○行  
猛○政○窮○極○奢○靡○賞○賜○無○度○公○在○武○幕○下○作○此○諷  
諭○至○舉○李○鼎○來○瑱○以○深○戒○之○朋○友○責○善○之○道○也  
不○然○辭○一○織○成○之○遺○而○侈○談○殺○身○自○盡○之○禍○無  
病○而○呻○豈○詩○人○之○意○乎

杜鵑

西川有杜鵑。東川無杜鵑。涪萬無杜鵑。雲安有杜鵑。我昔遊錦城。結廬錦水邊。有竹一頃餘。喬木上參天。杜鵑暮春至。哀哀叫其間。我見常再拜。重是古帝魂。生子百鳥巢。百鳥不敢嗔。仍爲餒其子。禮若奉至尊。鴻雁及羔羊。有禮太古前。行飛與跪乳。識序如知恩。聖賢古法則。付與後世傳。君看禽鳥情。猶解事杜鵑。今忽暮春閒。值我病經年。身病不能拜。淚下如迸泉。

古調微辭集中題凡再見知其寄慨者深矣其集外一篇則僞也至於發端四語不關詩之工拙謂必如是乃合樂府亦固哉之論

王士祿曰興觀羣怨讀此慨然有得

客堂

憶昨離少城。而今異楚蜀。舍舟復深山。窅窅一林麓。棲泊雲安縣。消中內相毒。舊疾廿載來。衰年得無足。死爲殊方鬼。頭白免短促。老馬終望雲南雁。意在北別家長兒。女欲起慚筋力。客堂敘節改具物。對羈束石暄。蕨芽紫渚秀。蘆笋綠巴鷺。紛未稀。

微麥早向熟悠悠日動江漠漠春辭木臺郎選才  
俊自顧亦已極前輩聲名人埋沒何所得居然結  
章紱受性本幽獨平生憩息地必種數竿竹事業  
只濁醪營葺但草屋上公有記者累奏資薄祿主  
憂豈濟時身遠彌曠職循文廟算正獻可天衢直  
向想趨朝廷毫髮裨社稷形骸今若是進退委行  
色

水閣朝霽奉簡嚴雲安

東城抱春岑江閣鄰石面崔嵬晨雲白朝旭射芳

甸雨檻臥花叢風牀展書卷鉤簾宿鷺起丸藥流  
鷺囀呼婢取酒壺續兒誦文選晚交嚴明府矧此  
數相見

選體青山捫蝨坐黃鳥抱書眠極力追擬去之彌  
遠

蔡天啓曰荆公每稱老杜鉤簾宿鷺起丸藥流  
鷺囀以為用意高妙五字模楷

蠶穀行

天下郡國向萬城無有一城無甲兵焉得鑄甲作

農器一寸荒田牛得耕牛盡耕蠶亦成不勞烈士  
淚滂沱男穀女絲行復歌

有慨乎其言之

古柏行

孔明廟前有老柏。柯如青銅根如石。霜皮溜雨四十圍。黛色參天二千尺。君臣已與時際會。樹木猶為人愛惜。雲來氣接巫峽長。月出寒通雪山白。憶昨路遶錦亭東。先主武侯同閟宮。崔嵬枝幹郊原古。窈窕丹青戶牖空。落落盤踞雖得地。冥冥孤高

多烈風。扶持自是神明力。正直原因造化功。大厦如傾要梁棟。萬牛迴首邱山重。不露文章世已驚。未辭翦伐誰能送。苦心豈免容螻蟻。香葉終經宿鸞鳳。志士幽人莫怨嗟。古來材大難為用。

情深文明眼。空筆老千載而下。如聞太息之聲。

王嗣爽曰：公生平極贊孔明，蓋竊比之意。孔明才大而不盡其用，公嘗自比稷契，而人莫之用，故篇終結出才大難用，此作詩本旨。發興於古柏者也。

李因篤曰武侯廟柏自不得作一細語如太史公用尙書爲本紀厚重乃爾

縛雞行

小奴縛雞向市賣。雞被縛急相喧爭。家中厭雞食蟲蟻。不知雞賣還遭烹。蟲雞於人何厚薄。吾叱奴人解其縛。雞蟲得失無了時。注目寒江倚山閣。齊物之旨

師厚曰天下利害當權輕重除寇則勞民愛民則養寇與其養寇孰若勞民與其惜蟲孰若存

雞此論聖人不易天下亦無難處之事始知浮屠法不可治世

蔡正孫曰步里客談云古人作詩斷句輒旁入他意最爲警策如老杜云雞蟲得失無了時注目寒江倚山閣是也黃魯直作水仙花詩坐對眞成被花惱出門一笑大江橫亦是此意

牽牛織女

牽牛出河西。織女處其東。萬古永相望。七夕誰見同。神光意難候。此事終蒙臆。颯然精靈合。何必秋

遂通亭亭新粧立。龍駕具曾空。世人亦為爾。祈請  
走兒童。稱家隨豐儉。白屋達公宮。膳夫翊堂殿。鳴  
玉淒房櫳。曝衣遍天下。曳月揚微風。蛛絲小人態。  
曲綴瓜果中。初筵瀆重露。日出甘所終。嗟汝未嫁  
女。秉心鬱忡忡。防身動如律。竭力機杼中。雖無姑  
舅事。敢昧織作功。明明君臣契。咫尺或未容。義無  
棄禮法。恩始夫婦恭。小大有佳期。戒之在至公。方  
圓苟齟齬。丈夫多英雄。

借題發議正而不腐起處作疑詞李商隱七夕詩

所自出也

張綖曰易言物不可以苟合故借牛女無私會  
之事以興男女無苟合之道又因男女無苟合  
之道以比君臣無苟合之義觸類旁通高古嚴  
正可見古作詩者之意

殿中楊監見示張旭草書圖

斯人已云亡。草聖祕難得。及茲煩見示。滿目一淒  
惻。悲風生微綃。萬里起古色。鏘鏘鳴玉動。落落羣  
松直。連山蟠其間。溟漲與筆力。有練實先書。臨池

真盡墨。俊拔爲之主。暮年思轉極。未知張王後。誰  
並百代則。嗚呼東吳精。逸氣感清識。楊公拂篋笥。  
舒卷忘寢食。念昔揮毫端。不獨觀酒德。  
形容草書奇語獨造

錢謙益曰李須贈張顛詩云皓首窮草隸時稱  
太湖精

課伐木

課隸人伯夷。幸秀信行等。入谷斬陰木。人日四  
根止。維條伊枚。正直挺然。晨征暮返。委積庭內。

我有藩籬。是缺是補。載伐篠簜。伊仗支持。則旅  
次於小安。山有虎知禁。若恃爪牙之利。必昏黑  
檜突。夔人屋壁。列樹白菊。鏝爲墻。實以竹。示式  
遏。爲與虎近。混淪乎無良。賓客憂害馬之徒。苟  
活爲幸。可嘿息已。作詩示宗武誦。

長夏無所爲。客居課奴僕。清晨飯其腹。持斧入白  
谷。青冥曾巔後。十里斬陰木。人肩四根已。亭午下  
山麓。尙聞丁丁聲。功課日各足。蒼皮成委積。素節  
相照燭。藉汝跨小籬。當仗若虛竹。空荒咆熊羆。乳



猗猗唐詩言四卷二  
獸待人肉不示知禁情豈惟干戈哭城中賢府主  
處貴如白屋蕭蕭理體淨蜂蠱不敢毒虎穴連里  
閭隄防舊風俗泊舟滄江岸久客慎所觸舍西崖  
嶠壯雷雨蔚含蓄牆宇資屢脩衰年怯幽獨爾曹  
輕執熱爲我忍煩促秋光近青岑季月當泛菊報  
之以微寒共給酒一斛

槐葉冷淘

青青高槐葉采掇付中厨新麪來近市汁滓宛相  
俱入鼎資過熟加餐愁欲無碧鮮俱照筋香飯兼

苞蘆經齒冷於雪勸人投比珠願隨金駮裏走置  
錦屠蘇路遠思恐泥興深終不渝獻芹則小小薦  
藻明區區萬里露寒殿開冰清玉壺君王納涼晚  
此味亦時須

隨事徵其忠欵所謂一飯不忘君者信然

朱子語錄曰文字好用經語亦一病東坡寫此  
詩至路遠思恐泥云此不足爲法

行宮張望補稻畦水歸

東屯大江北百頃平若按六月青稻多千畦碧泉

亂插秧適云已引溜加漑灌更僕往方塘決渠當  
 斷岸公私各地著浸潤無天旱主守問家臣分明  
 見溪畔芊芊炯翠羽剡剡生銀漢鷗鳥鏡裏來關  
 山雪邊看秋菰成黑米精鑿傳白粲玉粒足晨炊  
 紅鮮任霞散終然添旅食作苦期壯觀遺穗及眾  
 多我倉戒滋蔓

黃生曰杜田園諸詩覺有傲睨陶公之色其氣  
 力沈雄骨格蒼勁本色自不可掩

上後園山脚

朱夏熱所嬰清旭步北林小園背高岡挽葛上崎  
 崑曠望延駐目飄飄散疏襟潛鱗恨水壯去翼依  
 雲深勿謂地無疆劣於山有陰石椽遍天下水陸  
 兼浮沈自我登隴首十年經碧岑劍門來巫峽薄  
 倚浩至今故園暗戎馬骨肉失追尋時危無消息  
 老去多歸心志士惜白日久客藉黃金敢為蘇門  
 嘯庶作梁父吟

杜田曰椽音原木名皮可食或云善本止是石  
 原

驅豎子摘蒼耳

江上秋已分。林中瘴猶劇。畦丁告勞苦。無以供日  
夕。蓬莠獨不焦。野蔬暗泉石。卷耳况療風。童兒且  
時摘。侵星驅之去。爛熳任遠適。放筐亭午際。洗剝  
相蒙幕。登牀半生熟。下筯還小益。加點瓜薤閒。依  
希橘奴跡。亂世誅求急。黎民糠粃窄。飽食復何心。  
荒哉膏粱客。富家厨肉臭。戰地骸骨白。寄語惡少  
年。黃金且休擲。

仇兆鼈曰膏粱徒飽而黎民苦飢傷在居人富

家厨肉臭春場暴骨傷及征夫此嘆物力之宜  
惜也

秋行官張望督促東渚耗稻向畢清晨遣女

奴阿稽豎子阿段往問

東渚雨今足。仁聞稷稻香。上天無偏頗。蒲稗各自  
長。人情見非類。田家戒其荒。功夫競楫楫。除草置  
岸旁。穀者命之本。客居安可忘。青春具所務。勤懇  
免亂常。吳牛力容易。並驅動莫當。豐苗亦已穢。雲  
水照方塘。有生固蔓延。靜一資隄防。督領不無人。

提攜頗在綱。荆揚風土暖。肅肅候微霜。尙恐主守疏。用心未甚臧。清朝遣婢僕。寄語踰崇岡。西成聚必散。不獨陵我倉。豈要仁里譽。感此亂世忙。北風吹蒹葭。蟋蟀近中堂。荏苒百工休。鬱紆遲暮傷。

御選唐宋詩醇卷十一

浙江書局總校董紹舒分校

王彥起  
胡上襄  
恭校

御選唐宋詩醇卷之十二

襄陽杜甫詩四

目錄

雨

又上後園山脚

種蒿苳

八哀詩

贈司空王公思禮

故司徒李公光弼

贈左僕射鄭國公嚴公武

贈太子太師汝陽郡王璣

贈秘書監江夏李公邕

故秘書少監武功蘇公源明

故著作郎貶台州司戶滎陽鄭公虔

故右僕射相國張公九齡

寫懷

觀公孫大娘弟子舞劍器行

同元使君春陵行

李潮八分小篆歌

聽楊氏歌

荆南兵馬使太常卿趙公大食刀歌

王兵馬使二角鷹

狄明府

秋風二首

虎牙行

後苦寒行二首

夜歸

醉為馬墜諸公攜酒相看

大覺高僧蘭若

宿青溪驛奉懷張員外十五兄之緒

憶昔行

魏將軍歌

北風

白鳥行

醉歌行贈公安顏少府請顧八題壁

夜聞簫箏

發劉郎浦

別董頴

送顧八分文學適洪吉州

遣遇

解憂

宿鑿石浦

過津口

次空靈岸

宿花石戍

望嶽

岳麓山道林二寺行

歲晏行

追酬故高蜀州人日見寄

蘇大侍御訪江浦賦八韻紀異

題衡山縣文宣王廟新學堂呈陸宰

御選唐宋詩醇卷之十二

襄陽杜甫詩四

雨

空山中宵陰。微冷先枕席。迴風起清曙。萬象萋已碧。落落出岫雲。渾渾倚天石。日假何道行。雨含長江白。連檣荊州船。有士荷矛戟。南防草鎮慘。霑濕赴遠役。羣盜下辟山。總戎備強敵。水深雲光廓。鳴櫓各有適。魚艇息悠悠。夷歌負樵客。留滯一老翁。書時記朝夕。



王嗣爽曰公憂旱詩云上天鑠金石羣盜亂豺  
虎今雖得雨而復憂盜上一章憂吳楚之盜故  
恐遠客難行此章憂峽中之盜故憐士卒勞役

又上後園山脚

昔我遊山東。憶戲東嶽陽。窮秋立日觀。矯首望八  
荒。朱崖著毫髮。碧海吹衣裳。募收困用事。元冥蔚  
強。梁逝水自朝宗。鎮名各其方。平原獨憔悴。農力  
廢耕桑。非關風露凋。曾是戍役傷。於時國用富足。  
以守邊疆。朝廷任猛將。遠奪戎虜場。到今事反覆。

故老淚萬行。龜蒙不復見。況乃懷舊鄉。肺萎屬久  
戰。骨出熱中腸。憂來杖匣劍。更上林北岡。瘴毒猿  
鳥落。峽乾南日黃。秋風亦已起。江漢始如湯。登高  
欲有往。蕩析川無梁。哀彼遠征人。去家死路旁。不  
及祖父塋。纍纍塚相當。

劉會孟曰情緒闊遠收拾悲慟

種蒿苳 并序

既雨已秋堂。下理小畦。隔種一兩席。許蒿苳。向  
二旬矣。而苳不甲坼。獨野萋青青。傷時君子或

晚得微祿。輒軻不進。因作此詩。

陰陽一錯亂。驕蹇不復理。枯旱於其中。炎方慘如燬。植物半蹉跎。嘉生將已矣。雲雷歛奔命。師伯集所使。指麾赤白日。瀕洞青光起。雨聲先已風。散足盡西靡。山泉落滄江。霹靂猶在耳。終朝紆颯沓。信宿罷瀟灑。堂下可以畦。呼童對經始。芑兮蔬之常。隨事執其子。破塊數席間。荷鋤功易止。兩旬不甲坼。空惜埋泥滓。野苒迷汝來。宗生實於此。此輩豈無秋。亦蒙寒露委。翻然出地速。滋蔓戶庭毀。因知

邪干正。掩抑至沒齒。賢良雖得祿。守道不封已。擁塞敗芝蘭。眾多盛荆杞。中園陷蕭艾。老圃永為恥。登於白玉盤。藉以如霞綺。苒也無所施。胡顏入筐篚。

以上諸篇皆羈旅無聊中即景遣懷紀細事寫憂心而已然規模既大波瀾自遠每一篇中莫不俯仰今昔推通物理言近而指則遠語質而思則深論者所云不作諸家細碎詩也劉勰云人稟七情應物斯感感物吟志莫非自然此之諸篇殆亦自

然流露者矣。故能藏風韻於荒涼，寓高華於懇朴。若儲王田家詩，但寫情景，當別有位置，不可與此並論。

高元之曰：自古工詩者，未嘗無興也。覩物有感，則有興。今之作詩，以興近乎訕也，故不敢作。而詩之一義廢矣。杜蒿苳詩，皆興小人盛而掩抑君子也。高適題處士園云：耕地桑柘間，地肥菜常熟。爲問葵藿資，何如廟堂肉。則近乎訕矣。作詩者知興之與訕異，殆可與言詩。

浦起龍曰：當與菁莪、巷伯諸詩並讀。人知好前後出塞三吏、三別等篇，不知好此種。彼爲漢魏之後勁，此爲風雅之希聲。

八哀詩 并序

傷時盜賊未息，興起王公李公，歎舊懷賢，終於張相國。八公前後存沒，遂不詮次焉。

贈司空王公思禮

司空出東夷，童稚刷勁翮。追隨燕薊兒，穎銳物不隔。服事哥舒翰，意無流沙磧。未甚拔行間，犬戎大

充斥短小精悍姿屹然強寇敵貫穿百萬眾出入  
由咫尺馬鞍懸將首甲外控鳴鏑洗劍青海水刻  
銘天山石九曲非外蕃其王轉深壁飛兔不近駕  
鷲鳥資遠擊曉達兵家流飽聞春秋癖胸襟日沈  
靜肅肅自有適潼關初潰散萬乘猶辟易偏裨無  
所施元帥見手格太子入朔方至尊狩梁益胡馬  
纏伊洛中原氣甚逆肅宗登寶位塞望勢敦迫公  
時徒步至請罪將厚責際會清河公閒道傳玉冊  
天王拜跪畢讜議果冰釋翠華卷飛雪熊虎巨阡

陌屯兵鳳凰山帳殿涇渭關金城賊咽喉詔鎮雄  
所搯禁暴清無雙爽氣春淅瀝巷有從公歌野多  
青青麥及夫哭廟後復領太原役恐懼祿位高悵  
望王土窄不得見清時嗚呼就窀穸永繫五湖舟  
悲甚田橫客千秋汾晉閒事與雲水白苦觀文苑  
傳豈述廉藺績嗟嗟鄧大夫士卒終倒戟

故司徒李公光弼

司徒天寶末北收晉陽甲胡騎攻吾城愁寂意不  
愜人安若泰山薊北斷右脅朔方氣乃蘇黎首見

帝業二宮泣西郊。九廟起頽壓。未散河陽卒。思明  
僞臣妾。復自碣石來。火焚乾坤獵。高視笑祿山。公  
又大獻捷。異王冊崇勳。小敵信所怯。擁兵鎮河汴。  
千里初安貼。青蠅紛營營。風雨秋一葉。內省未入  
朝。死淚終映睫。大屋去高棟。長城埽遺堞。平生白  
羽扇。零落蛟龍匣。雅望與英姿。惻愴槐里接。三軍  
晦光彩。烈士病稠疊。直筆在史臣。將來洗箱篋。吾  
思哭孤豕。南紀阻歸楫。扶顛永蕭條。未濟失利涉。  
疲茶竟何人。洒涕巴東峽。

王李名將實爲起興所由李功業尤隆二篇氣魄  
沈摯最爲精彩

劉克莊曰語極悲壯其形容臨淮憂讒畏譏不  
敢入朝之意獨見分曉

贈左僕射鄭國公嚴公武

鄭公瑚璉器。華岳金天晶。昔在童子日。已聞老成  
名。嶷然大賢後。復見秀骨清。開口取將相。小心事  
友生。閱書百紙盡。落筆四座驚。歷職匪父任。嫉邪  
常力爭。漢儀尙整肅。胡騎忽縱橫。飛傳自河隴。逢

人○問○公○卿○不○知○萬○乘○出○雪○涕○風○悲○鳴○受○詞○劍○閣○道○  
謁○帝○蕭○關○城○寂○寞○雲○臺○仗○飄○飄○沙○塞○旌○江○山○少○使○  
者○笳○鼓○凝○皇○情○壯○士○血○相○視○忠○臣○氣○不○平○密○論○貞○  
觀○體○揮○發○岐○陽○征○感○激○動○四○極○聯○翩○收○二○京○西○郊○  
牛○酒○再○原○廟○丹○青○明○匡○汲○俄○寵○辱○衛○霍○竟○哀○榮○四○  
登○會○府○地○三○掌○華○陽○兵○京○兆○空○柳○色○尚○書○無○履○聲○  
羣○鳥○自○朝○夕○白○馬○休○橫○行○諸○葛○蜀○人○愛○文○翁○儒○化○  
成○公○來○雪○山○重○公○去○雪○山○輕○記○室○得○何○遜○韜○鈴○延○  
子○荆○四○郊○失○壁○壘○虛○館○開○逢○迎○堂○上○指○圖○畫○軍○中○

吹○玉○笙○豈○無○成○都○酒○憂○國○只○細○傾○時○觀○錦○水○釣○問○  
俗○終○相○并○意○待○犬○戎○滅○人○藏○紅○粟○盈○以○茲○報○主○願○  
庶○或○裨○世○程○炯○炯○一○心○在○沈○沈○二○豎○嬰○顏○回○竟○短○  
折○賈○誼○徒○忠○貞○飛○旒○出○江○漢○孤○舟○轉○荆○衡○虛○無○馬○  
融○笛○悵○望○龍○驤○瑩○空○餘○老○賓○客○身○上○愧○簪○纓○

嚴武鎮蜀雖多不法然在蜀而蜀安去蜀而蜀危  
以其去來爲輕重則道其實也且武於甫最爲知  
已故極寫其忠勤大略諸將詩云軍令分明數舉  
杯亦同此意

贈太子太師汝陽郡王璡

汝○陽○讓○帝○子○眉○宇○真○天○人○虬○鬚○似○太○宗○色○映○塞○外○  
春○往○者○開○元○中○主○恩○視○遇○頻○出○入○獨○非○時○禮○異○見○  
羣○臣○愛○其○謹○潔○極○倍○此○骨○肉○親○從○容○聽○朝○後○或○在○  
風○雪○晨○忽○思○格○猛○獸○苑○圃○騰○清○塵○羽○旗○動○若○一○萬○  
馬○肅○駢○駢○詔○王○來○射○雁○拜○命○已○挺○身○箭○出○飛○鞚○內○  
上○又○回○翠○麟○翻○然○紫○塞○翻○下○拂○明○月○輪○胡○人○雖○獲○  
多○天○笑○不○爲○新○王○每○中○一○物○手○自○與○金○銀○袖○中○諫○  
獵○書○扣○馬○久○上○陳○竟○無○銜○糜○虞○聖○聰○矧○多○仁○官○免○

供給費水有在藻鱗匪唯帝老大皆是王忠勤晚  
年務置醴門引申白賓道大容無能永懷侍芳茵  
好學尚貞烈義形必霑巾揮翰綺繡揚篇什若有  
神川廣不可泝墓久狐兔鄰宛彼漢中郡文雅見  
天倫何以開我愁泛舟俱遠津温温昔風味少壯  
已書紳舊遊易磨滅衰謝增酸辛

贈秘監江夏李公邕

長○嘯○宇○宙○間○高○才○日○陵○替○古○人○不○可○見○前○輩○復○誰○  
繼○憶○昔○李○公○存○詞○林○有○根○柢○聲○華○當○健○筆○灑○落○富○

清製風流散金石。追琢山岳銳。精窮造化理。學貫  
天人際。干謁走其門。碑版照四裔。各滿深望還。森  
然起凡例。蕭蕭白楊路。洞徹寶珠惠。龍宮塔廟湧。  
浩劫浮雲衛。宗儒俎豆事。故吏去思計。眴睽已皆  
虛。跋涉曾不泥。向來映當時。豈獨勸後世。豐物珊  
瑚鉤。騏驎織成罽。紫駟隨劍兒。義取無虛歲。分宅  
脫驂間。感激懷未濟。眾歸調給美。擺落多藏穢。獨  
步四十年。風聽九臯唳。嗚呼江夏姿。竟掩宣尼袂。  
往者武后朝。引用多寵嬖。否臧太常議。面折二張

勢。衰俗凜生風。排蕩秋旻霽。忠貞負冤恨。宮闕深  
旒綴。放逐早聯翩。低垂困炎厲。日斜鵬鳥入。魂斷  
蒼梧帝。榮枯走不暇。星駕無安稅。幾分漢廷竹。夙  
擁文侯篲。終悲洛陽獄。事近小臣敝。禍階初負謗。  
易力何深濟。伊昔臨淄亭。酒酣托末契。重敘東都  
別。朝陰改軒砌。論文到崔蘇。指盡流水逝。近伏盈  
川雄。未甘特進麗。是非張相國。相扼一危脆。爭名  
古。豈然關鍵歟。不閉例及吾家詩。曠懷掃氛翳。慷  
慨嗣眞作。咨嗟玉山桂。鍾律儼高懸。鯤鯨噴迢滯。



坡。陶。青。州。血。蕪。沒。汶。陽。瘞。哀。贈。竟。蕭。條。恩。波。延。揭。  
厲。子。孫。存。如。綫。舊。客。舟。凝。滯。君。臣。尚。論。兵。將。帥。接。  
燕。薊。朗。咏。六。公。篇。憂。來。豁。蒙。蔽。

仇。兆。鰲。曰。各。章。以。序。事。成。文。部。署。森。嚴。純。似。班。  
史。惟。此。章。感。慨。激。昂。排。蕩。變。化。直。追。龍。門。之。筆。  
細。按。其。前。後。段。落。又。未。嘗。不。脉。絡。整。齊。也。

故秘書少監武公蘇公源明

武。功。少。也。孤。徒。步。客。徐。充。讀。書。東。岳。中。十。載。考。墳。  
典。時。下。萊。蕪。郭。忍。飢。浮。雲。嘯。負。米。晚。爲。身。每。食。臉。

必。泣。夜。字。照。爇。薪。垢。衣。生。碧。蘚。庶。以。勤。苦。志。報。茲。  
劬。勞。顯。學。蔚。醇。儒。姿。文。包。舊。史。善。灑。落。辭。幽。人。歸。  
來。潛。京。輦。射。君。東。堂。策。宗。匠。集。精。選。制。可。題。未。乾。  
乙。科。已。大。闡。文。章。日。自。負。吏。祿。亦。累。踐。晨。趨。閭。闔。  
內。足。踏。宿。昔。跡。一。麾。出。守。還。黃。屋。朔。風。卷。不。暇。陪。  
八。駿。虜。庭。悲。所。遣。平。生。滿。樽。酒。斷。此。朋。知。展。憂。憤。  
病。二。秋。有。恨。石。可。轉。肅。宗。復。社。稷。得。無。逆。順。辨。范。  
曄。顧。其。兒。李。斯。憶。黃。犬。秘。書。茂。松。意。溟。漲。本。末。淺。  
青。熒。芙。蓉。劍。犀。兕。豈。獨。剽。反。爲。後。輩。褻。予。實。苦。懷。

緬煌煌齋房芝事絕萬手舉垂之俟來者正始徵  
勸勉不要懸黃金胡為投乳贖結交三十載吾與  
誰遊行榮陽復冥冥罪罟已橫臂嗚呼子逝日始  
泰則終蹇長安米萬錢凋喪盡餘喘戰伐何當解  
歸帆阻清沔尚纏漳水疾永負蒿里餞

故著作郎貶台州司戶榮陽鄭公虔

鷓鴣至魯門不識鐘鼓饗孔翠望赤霄愁思雕籠  
養榮陽冠眾儒早聞名公賞地崇士大夫况乃氣  
精爽原注往者公在疾蘇許公頽位尊望重素未  
相識早愛才名躬自撫問後結忘年之契遠

通嘉天然生知姿學立游夏上神農極闕漏黃石

愧師長藥纂西極名原注公著蒼葦等諸書  
之外又撰胡本草七卷兵流

指諸掌貫穿無遺恨蒼葦何技癢圭臬星經奧蟲

篆丹青廣子雲窺未遍方朔諧太枉神翰顧不一

體變鍾兼兩文傳天下口大字猶在榜昔獻書畫

圖新詩亦俱往滄洲動玉陛寡鶴誤一響三絕自

御題四方尤所仰嗜酒益疏放彈琴視天壤形骸

實土木親近唯几杖未曾寄官曹突兀倚書幌晚

就芸香閣胡塵昏垓莽反覆歸聖朝點染無滌盪

老蒙台州椽。泛泛浙江漿。履穿四明雪。飢拾檣溪  
 椽。空聞紫芝歌。不見杏壇丈。天長跳東南。秋色餘  
 魍魎。別離慘至今。斑白徒懷曩。春深秦山秀。葉墜  
 清渭朗。劇談王公門。野稅林下鞅。操紙終夕酣。時  
 物集遐想。詞場竟疏闊。平昔濫吹獎。百年見存沒。  
 牢落吾安放。蕭條阮咸在。出處同世網。他日訪江  
 樓。舍。悽。述。飄。蕩。原注著作與今祕書監鄭君審篇  
 翰齊價謫江陵故有阮咸江樓之

王士正曰百年見存沒牢落吾安放十字悲甚

故右僕射相國張公九齡

相國生南紀。金璞無留礦。仙鶴下人間。獨立霜毛  
 整。矯然江海思。復與雲路永。寂寞想土階。未遑等  
 箕穎。上君白玉堂。倚君金華省。碣石歲崢嶸。天地  
 日蛙黷。退食吟大庭。何心記榛梗。骨驚畏曩哲。鬢  
 變負人境。雖蒙換蟬冠。右地慙多幸。敢忘二疏歸。  
 痛迫蘇耽井。紫綬映暮年。荊州謝所領。庾公興不  
 淺。黃霸鎮每靜。賓客引調同。諷詠在務屏。詩罷地  
 有餘。篇終語清省。一陽發陰管。淑氣含公鼎。乃知

君子心。用才文章境。散帙起翠螭。倚薄巫廬並。綺麗元暉擁。賤詠任昉騁。自我一家則。未缺隻字警。千秋滄海南。名繫朱鳥影。歸老守故林。戀闕悄延頸。波濤良史筆。蕪絕大庾嶺。向時禮數隔。制作難上請。再請徐孺碑。猶思理煙艇。

子美八哀自是鉅篇。然以韻語作敘述。情緒既繁。筆墨不無利鈍。大家之文。正如黃河之水。滔滔莽莽。魚龍砂石與流俱下。非如沼沚之觀。清冷可喜而已。論此詩者。譽之或過。其實毀之或損。其真惟

盧世漣曰。八哀詩未免傷煩傷汎。然詩家之元氣在焉。杜詩之體統存焉。不可遺亦不容選。斯言得之。

劉克莊曰。八哀詩。崔德符謂可以表裏雅頌。中古作者莫及。韓子蒼謂其筆力變化。當與太史公諸贊方駕。惟葉石林謂長篇最難。晉魏以難無過十韻。常使人以意逆志。初不以敘事顛倒爲工。此八篇本非集中高作。而世多尊稱。不敢置議。其病蓋傷於多。如李邕蘇源明篇中多累。

句芟去方為盡善余謂韓比此於史公紀傳固  
不易之論至於石林之評累句為長篇者亦不  
可不知

寫懷

勞○生○共○乾○坤○何○處○異○風○俗○再○再○自○趨○競○行○行○見○羈  
束○無○貴○賤○不○悲○無○富○貧○亦○足○萬○古○一○骸○骨○鄰○家○遞  
歌○哭○鄙○夫○到○巫○峽○三○歲○如○轉○燭○全○命○甘○留○滯○忘○情  
任○榮○辱○朝○班○及○暮○齒○日○給○還○脫○粟○編○蓬○石○城○東○採  
藥○山○北○谷○用○心○霜○雪○閒○不○必○條○蔓○綠○非○關○故○安○排

曾○是○順○幽○獨○達○士○如○弦○直○小○人○似○鉤○曲○曲○直○我○不  
知○負○暄○候○樵○牧

貌古心遠見道之言非關矯語

觀公孫大娘弟子舞劍器行并序

大曆二年十月十九日夔府別駕元持宅見臨  
穎李十二娘舞劍器壯其蔚跂問其所師曰余  
公孫大娘弟子也開元三載余尚童穉記於郾  
城觀公孫氏舞劍器渾脫瀏灑頓挫獨出冠時  
自高頭宜春梨園二伎坊內人洎外供奉曉是

舞者聖文神武皇帝初公孫一人而已玉貌錦  
衣况余白首今茲弟子亦非盛顏既辨其由來  
知波瀾莫二撫事慷慨聊爲劍器行往者吳人  
張旭善草書書帖數常於鄴縣見公孫大娘舞  
西河劍器自此草書長進豪蕩感激卽公孫可  
知矣

昔有佳人公孫氏一舞劍器動四方觀者如山色  
沮喪天地爲之久低昂燿如羿射九日落矯如羣  
帝駿龍翔來如雷霆收震怒罷如江海凝清光絳  
唇珠袖兩寂寞况有弟子傳芬芳臨穎美人在白  
帝妙舞此曲神揚揚與余問答既有以感時撫事  
增惋傷先帝侍女八千人公孫劍器初第一五十  
年間似反掌風塵瀕洞昏王室梨園子弟散如煙  
女樂餘姿映寒日金粟堆南木已拱瞿塘石城草  
蕭瑟玳筵急管曲復終樂極哀來月東出老夫不  
知其所往足繭荒山轉愁疾  
前如山之嶙峋後如海之波瀾前半極其濃至後  
半感嘆音響一何悲絃急知枉促也

劉克莊曰此篇與琵琶行一如壯士軒昂赴敵場一如兒女恩怨相爾汝

王嗣爽曰此見舞劍器而傷往事全是爲開元天寶五十年間治亂興衰而發

王士正曰陳暘樂書云樂府諸曲自古不用犯聲自則天末年劍器入渾脫爲犯聲之始

宮調渾脫商調以臣犯君故爲犯聲又唐多用解曲如柘枝用渾脫解之類觀此則劍器渾脫各爲舞曲之名今人誤讀杜序以渾脫瀏灘頓

挫六字爲句文字中往往連綴用之可笑也

同元使君春陵行

并序

覽道州元使君結春陵行兼賊退後示官吏作二首志之曰當天子分憂之地效漢官良吏之日今盜賊未息知民疾苦得結輩十數公落落然參錯天下爲邦伯萬物吐氣天下少安可得矣不意復見比興體制微婉頓挫之詞感而有詩增諸卷軸簡知我者不必寄元

遭亂髮盡白轉衰病相嬰沉綿盜賊際狼狽江漢

行歎時藥力薄。爲客羸瘵成。吾人詩家秀。博採世上名。粲粲元道州。前聖畏後生。觀乎春陵作。歛見俊哲情。復覽賊退篇。結也實國楨。賈誼昔流慟。匡衡常引經。道州憂黎庶。詞氣浩縱橫。兩章對秋月。一字偕華星。致君唐虞際。純樸憶大庭。何分降璽書。用爾爲丹青。獄訟永衰息。豈惟偃甲兵。悽惻念誅求。薄歛近休明。乃知正人意。不苟飛長纓。涼飈振南岳。之子寵若驚。色阻金印大。興含滄浪清。我多長卿病。日夕思朝廷。肺枯渴太甚。漂泊公孫城。

呼兒具紙筆。隱几臨軒楹。作詩呻吟內。墨淡字欹傾。感彼危苦詞。庶幾知者聽。

惻惻無華之吏。日計不足。歲計有餘。不肖者橫征暴斂。掊削元氣。爲民蝨賊。古之賢君。所以惓惓於良二千石也。甫此篇所謂干預教化之尤者。元結二詩。仁者之言。可以並垂不朽。

元結春陵行序云。癸卯歲。漫叟授道州刺史。道州舊四萬餘戶。經賊以來。不滿四千。大半不勝賦稅。到官未五十日。承諸使徵求符牒二百餘。



封皆曰失其限者罪至貶削於戲若悉應其命則州縣破亂刺史欲焉逃罪若不應命又卽獲罪戾必不免也吾將守官靜以安人待罪而已此州是春陵故地故作春陵行以達下情詩曰軍國多所須切責在有司有司臨郡縣刑法竟欲施供給豈不憂徵歛又可悲州小經亂亡遺人實困疲大鄉無十家大族命單羸朝殮是草根暮食乃樹皮出言氣欲絕意速行步遲追呼尙不忍况乃鞭朴之郵亭傳急符來往迹相追

更無寬大恩但有迫促期欲令鬻兒女言發恐亂隨悉使索其家而又無生資聽彼道路言怨傷誰復知去冬山賊來殺奪幾無遺所願見王官撫養以惠慈奈何重驅逐不使存活爲安人天子命符節吾所持州縣忽亂亡得罪復是誰逋緩違詔令蒙責固所宜前賢重守分惡以禍福移亦云貴守官不愛能適時顧唯孱弱者正直當不虧何人採國風吾欲獻此辭又賊退示官吏序云癸卯歲西原賊入道州殺掠幾盡而

去明年賊又攻永破邵不犯此州邊鄙而退豈  
力能制敵蓋蒙其傷憐而已諸使何爲忍苦徵  
斂故作詩一篇以示官吏詩曰昔歲逢太平山  
林二十年泉源在庭戶洞壑當門前井稅有常  
期日晏猶得眠忽然遭世變數歲親戎旃今來  
典斯郡山夷又紛然城小賊不屠人貧傷可憐  
是以陷鄰境此州獨見全使臣將王命豈不如  
賊焉今彼徵斂者迫之如火煎誰能絕人命以  
作時世賢思欲委符節引竿自刺船將家就魚

菱窮老江湖邊

李潮八分小篆歌

蒼頡鳥跡既茫昧。字體變化如浮雲。陳倉石鼓又  
已訛。大小二篆生八分。秦有李斯漢蔡邕。中間作  
者寂不聞。嶧山之碑野火焚。棗木傳刻肥失真。苦  
縣光和尙骨立。書貴瘦硬方通神。惜哉李蔡不復  
得。吾甥李潮下筆親。尙書韓擇木。騎曹蔡有鄰。開  
元已來數八分。潮也奄有二子成三人。况潮小篆  
逼秦相。快劍長戟森相向。八分一字直百金。蛟龍

徐運唐詩卷十二  
盤拏肉屈強吳郡張顛誇草書草書非古空雄壯  
豈如吾甥不流宕丞相中郎丈人行巴東逢李潮  
逾月求我歌我今衰老才力薄潮乎潮乎奈汝何  
論書皆中肯綮坡老云杜陵評書貴瘦硬此論未  
公吾不憑特借作跌宕耳非遂不許其論也詩亦  
瘦硬無比

聽楊氏歌

佳人絕代歌獨立發皓齒滿堂慘不樂響下清虛  
裏江城帶素月况乃清夜起老大悲暮年壯士淚

如水玉盃久寂寞金管迷宮徵勿云聽者疲愚智  
心盡死古來傑出土豈待一知己吾聞昔秦青傾  
側天下耳

荆南兵馬使太常卿趙公大食刀歌

太常樓船聲噉問兵刮寇趨下牢牧出令奔收  
百艘猛蛟突獸紛騰逃白帝寒城駐錦袍元冬示  
我胡國刀壯士短衣頭虎毛憑軒拔鞘天爲高翻  
風轉日木怒號冰翼雪淡傷哀猱鑄錯碧嬰鸛鵠  
膏銛鏑已瑩虛秋濤鬼物撇振辭坑壕蒼水使者

捫赤條龍伯國人罷釣鼈  
 芮公迴首顏色勞分閭  
 救世用賢豪趙公玉立高歌起  
 攬環結佩相終始  
 萬歲持之護天子得君亂絲與君理  
 蜀江如線如  
 鍼水荆岑彈丸心未已賊臣惡子休  
 干紀魍魎魍魎徒為耳妖腰亂領敢欣喜  
 用之不高亦不庠不似長劍須天倚  
 吁嗟光祿英雄弭大食寶刀聊可比  
 丹青宛轉麒麟裏光芒六合無泥滓

王嗣奭曰此燕歌行變體布局既新鍊詞特異  
 所謂驚人之作

王兵馬使二角鷹

悲○臺○蕭○颯○石○龍○窅○哀○壑○杓○杓○浩○呼○洶○中○有○萬○里○之○  
 長○江○迴○風○滔○日○孤○光○動○角○鷹○翻○倒○壯○士○臂○將○軍○玉○  
 帳○軒○勇○氣○二○鷹○猛○腦○條○徐○墜○日○如○愁○胡○視○天○地○杉○  
 雞○竹○兔○不○自○惜○溪○虎○野○羊○俱○辟○易○韝○上○鋒○稜○十○二○  
 翻○將○軍○勇○銳○與○之○敵○將○軍○樹○勳○起○安○西○崑○崙○虞○泉○  
 入○馬○蹏○白○羽○曾○肉○三○狻○猊○敢○決○豈○不○與○之○齊○荆○南○  
 芮○公○得○將○軍○亦○如○角○鷹○下○翔○雲○惡○鳥○飛○飛○啄○金○屋○  
 安○得○爾○輩○開○其○羣○驅○出○六○合○梟○鸞○分○

以賦鷹者賦人賓主離合幾如魚龍變化眩人心  
目此與前篇皆擺脫恆蹊體格音節蒼然入古  
沈德潛曰起四句不著鷹一字然如有角鷹飛  
於目前入手須如此著墨

狄明府

梁公會孫我姨弟不見十年官濟濟大賢之後竟  
陵遲浩蕩古今同一體比看叔伯四十人有才無  
命百僚底今者兄弟一百人幾人卓絕秉周禮在  
汝更用文章爲長兄白眉復天啓汝門請從曾翁

說太后當朝多巧詆狄公執政在末年濁河終不  
污清濟國嗣初將付諸武公獨廷諍守丹陛禁中  
決册請房陵前朝老臣皆流涕太宗社稷一朝正  
漢官威儀重昭洗時危始識不世才誰謂荼苦甘  
如薺汝曹又宜列土食身使門戶多旌檠胡爲漂  
泊岷漢閒干謁王侯頗歷抵况乃山高水有波秋  
風蕭蕭露泥泥虎之飢下巉嵒蛟之橫出清泚早  
歸來黃土泥衣眼易眯

浦起龍曰舊說此詩俱以憐狄漂零爲解今觀

篇尾一段乃與昌黎送董邵南序同意蓋博濟  
必不得志於朝而歷千藩鎮者時河北方多擅  
命意頗不喜其往也

秋風二首

秋風淅淅吹巫山上。牢下牢修水關。吳橋楚柁牽  
百丈。暖向神都寒未還。要路何日罷長戟。戰自青  
羌連百蠻。中巴不曾消息好。暝傳戍鼓長雲閒。  
秋風淅淅吹我衣。東流之外西日微。天清小城擣  
練急。石古細路行人稀。不知明月為誰好。早晚孤

帆他夜歸。會將白髮倚庭樹。故園池臺今是非。  
洗馬言愁淒可聽

虎牙行

秋風歘吸吹南國。天地慘慘無顏色。洞庭揚波江  
漢迴。虎牙銅柱皆傾側。巫峽陰岑朔漠氣。峰巒窈  
窕谿谷黑。杜鵑不來猿狖寒。山鬼幽憂雪霜逼。楚  
老長嗟憶炎瘴。三尺角弓兩斛力。壁立石城橫塞  
起。金錯旌竿滿雲直。漁陽突騎獵青邱。犬戎鏃甲  
聞丹極。八荒十年防盜賊。征戍誅求寡妻哭。遠客

中宵淚霑臆

後苦寒行二首

南○紀○巫○廬○瘴○不○絕○太○古○以○來○無○尺○雪○蠻○夷○長○老○怨  
苦○寒○崑○崙○天○關○凍○應○折○元○猿○口○噤○不○能○嘯○白○鵠○翅  
垂○眼○流○血○安○得○春○泥○補○地○裂

晚○來○江○門○失○大○木○猛○風○中○夜○吹○白○屋○天○兵○斬○斷○青  
海○戎○殺○氣○南○行○動○地○軸○不○爾○苦○寒○何○太○酷○巴○東○之  
峽○生○凌○澌○彼○蒼○回○幹○人○得○知

節短勢險別成格調

張潛曰命意用筆善於轉換

夜歸

夜○來○歸○來○衝○虎○過○山○黑○家○中○已○眠○臥○傍○見○北○斗○向  
江○低○仰○看○明○星○當○空○大○庭○前○把○燭○噀○兩○炬○峽○口○驚  
猿○聞○一○箇○白○頭○老○罷○舞○復○歌○杖○藜○不○睡○誰○能○那

醉為馬墜諸公攜酒相看

甫○也○諸○侯○老○賓○客○罷○酒○酣○歌○拓○金○戟○騎○馬○忽○憶○少  
年○時○散○蹄○迸○落○瞿○塘○石○白○帝○城○門○水○雲○外○低○身○直  
下○八○千○尺○粉○堞○電○轉○紫○遊○韁○東○得○平○岡○出○天○壁○江

村野堂爭入眼。垂鞭鞞鞞凌紫陌。向來皓首驚萬人。自倚紅顏能騎射。安知決臆追風足。朱汗驂驪猶噴玉。不虞一蹶終損傷。人生快意多所辱。職當憂戚伏衾枕。況乃遲暮加煩促。朋知來問腆我顏。杖藜強起倚僮僕。語盡還成開口笑。提攜別掃清谿曲。酒肉如山又一時。初筵哀絲動豪竹。共指西日不相貸。喧呼且覆盃。中淥何必走馬來。為問君不見嵇康養生遭殺戮。前有聲色後饒情。致一敘一解老氣無比。

大覺高僧蘭若

原注和尚去冬往湖南

巫山不見廬山遠。松林蘭若秋風晚。一老猶鳴日暮鐘。諸僧尚乞齋時飯。香鑪峰色隱晴湖。種杏仙家近白榆。飛錫去年嗾邑子。獻花何日許門徒。風調清迥頗似摩詰

宿青溪驛奉懷張員外十五兄之緒

漾舟千山內。日入泊枉渚。我生本飄飄。今復在何許。石根青楓林。猿鳥聚儔侶。月明遊子靜。畏虎不得語。中夜懷朋友。乾坤此深阻。浩蕩前後閒。佳期



付荆楚

黃生日此詩在杜集已爲輕秀之作較諸唐賢  
猶見氣骨

憶昔行

憶昔北尋小有洞。洪河怒濤過輕舸。辛勤不見華  
蓋君。良岑青輝慘么麼。千崖無人萬壑靜。三步回  
頭。五步坐。秋山眼冷魂未歸。仙賞心違淚交墮。弟  
子誰依白茅室。盧老獨啓青銅鎖。巾拂香餘搗藥  
塵。階除灰死燒丹火。元圃滄洲莽空闊。金節羽衣  
飄婀娜。落日初霞閃餘映。倏忽東西無不可。松風  
礮水聲合時。青兕黃熊嘯向我。徒然咨嗟無遺迹。  
至今夢想仍猶左。秘訣隱文須內教。晚歲何功使  
願果。更討衡陽董鍊師。南浮早鼓瀟湘柂。

魏將軍歌

將軍昔著從事衫。鐵馬馳突重兩銜。被堅執銳畧  
西極。崑崙月窟東嶄巖。君門羽林萬猛士。惡若哮  
虎子所監。五年起家列霜戟。一日過海收風帆。平  
生流輩徒蠢蠢。長安少年氣欲盡。魏侯骨聳精爽

緊○華○嶽○峰○尖○見○秋○隼○星○纏○寶○校○金○盤○陀○夜○騎○天○駟○  
超○天○河○櫓○槍○熒○惑○不○敢○動○翠○鞋○雲○旂○相○蕩○摩○吾○為○  
子○起○歌○都○護○酒○闌○插○劍○肝○膽○露○鈎○陳○蒼○蒼○風○元○武○  
萬○歲○千○秋○奉○明○主○臨○江○節○士○安○足○數○  
精○緊○廉○悍○自○是○子○美○盛○年○之○作○

仇○兆○鰲○曰○前○用○八○句○轉○韻○中○閒○各○四○句○轉○末○則○  
三○句○兩○句○疊○韻○蓋○歌○中○音○調○取○其○繁○聲○促○節○也○

北風

北○風○破○南○極○朱○鳳○日○威○垂○洞○庭○秋○欲○雪○鴻○雁○將○安○

歸○十○年○殺○氣○盛○六○合○人○煙○稀○吾○慕○漢○初○老○時○清○猶○  
茹○芝○

白鳥行

君○不○見○黃○鵠○高○於○五○尺○童○化○為○白○鳥○似○老○翁○故○畦○  
遺○穗○已○蕩○盡○天○寒○歲○暮○波○濤○中○鱗○介○腥○羶○素○不○食○  
終○日○忍○飢○西○復○東○魯○門○鷄○鵬○亦○躑○躑○聞○道○如○今○猶○  
避○風○

託寄悱惻

董○斯○張○曰○魯○門○爰○居○隱○然○有○不○饗○太○牢○不○樂○鐘○

鼓之態此老倔彊百折不回

醉歌行贈公安顏少府請顧八題壁

神仙中人不易得。顏氏之子才孤標。天馬長鳴待  
駕馭。秋鷹整翮當雲霄。君不見東吳顧文學。君不  
見西漢杜陵老。詩家筆勢君不嫌。詞翰升堂為君  
掃。是日霜風凍七澤。烏蠻落照銜赤壁。酒酣耳熱  
忘頭白。感君意氣無所惜。一為歌行歌主客。  
偶然酬應必挾奇。氣而出隨筆所至皆臻妙境

夜聞簷簳

夜聞簷簳滄江上。衰年側耳情所嚮。鄰舟一聽多  
感傷。塞曲三更歎悲壯。積雪飛霜此夜寒。孤燈急  
管復風湍。君知天地干戈滿。不見江湖行路難。

發劉郎浦

挂帆早發劉郎浦。疾風颯颯昏亭午。舟中無日不  
沙塵。岸上空村盡豺虎。十日北風風未迴。客行歲  
晚晚相催。白頭厭伴漁人宿。黃帽青鞋歸去來。

別董頴

窮冬急風水。逆浪開帆難。士子甘旨闕。不知道里

寒有求彼樂土南適小長安別我舟楫去覺君衣裳單素聞趙公節兼盡賓主歡已結門廬望無令霜雪殘老夫纜亦解脫粟朝未餐飄蕩兵甲際幾時懷抱寬漢陽頗寧靜峴首試考槃當念著白帽采薇青雲端

情意稠疊深得贈言之義

送顧八分文學適洪吉州

中郎石經後八分蓋憔悴顧侯運鑪錘筆力破餘地昔在開元中韓蔡同鼎臚元宗妙其書是以數

子至御札早流傳揄揚非造次三人並入直恩澤各不二顧於韓蔡內辨眼工小字分日示諸王鉤深法更秘文學與我遊蕭疏外聲利追隨二十載浩蕩長安醉高歌卿相宅文翰飛省寺視我揚馬閒白首不相棄驂駟入窮巷必脫黃金轡一論朋友難遲暮敢失墜古來事反覆相見橫涕泗嚮者玉珂人誰是青雲器才盡傷形體病渴汗官位故舊獨依然時危話顛躓我甘多病老子負憂世志胡爲困衣食顏色少稱遂遠作辛苦行順從衆多

意舟楫無根蒂。蛟鼉好為祟。况兼水賊繁。特戒風  
颺。駛崩騰。戎馬際。往往殺長吏。子干東。諸侯勸。勉  
防縱。恣邦以民為本。魚飢費香餌。請哀瘡。痍深告  
訴。皇華使使臣。精所擇。進德知歷試。惻隱誅求情。  
固應賢。愚異烈士惡。苟得俊傑思。自致贈子猛虎  
行。出郊載酸鼻。  
振筆直書縱橫。歷落行乎其所當行。止乎其所不  
得。不止詩境至此亦從心不踰矩時也。

王嗣奭曰全篇無一字虛飾可以知其相與之

情而愛民之真懇規友之直諒又兩見之矣

遣遇

磬折辭主人。開帆駕洪濤。春水滿南國。朱崖雲日  
高。舟子廢寢食。飄風爭所操。我行匪利涉。謝爾從  
者勞。石間采蕨女。鬻菜輸官曹。丈夫死百役。暮返  
空村號。聞見事畧同。刻剝及錐刀。貴人豈不仁。視  
汝如莠蒿。索錢多門戶。喪亂紛嗷嗷。奈何黠吏徒。  
漁奪成逋逃。自喜遂生理。花時甘緼袍。

解憂

徐道唐言西  
卷二  
三  
減米散同舟路難思共濟向來雲濤盤眾力亦不  
細呀坑瞥眼過飛櫓本無帶得失瞬息間致遠宜  
恐泥百慮視安危分明曩賢計茲理庶可廣拳拳  
期勿替  
出險思懼真更事之言

宿鑿石浦

早宿賓從勞仲春江山麗飄風過無時舟楫敢不  
繫回塘淡暮色日沒眾星噤缺月殊未生青燈死  
分翳窮途多俊異亂世少恩惠鄙夫亦放蕩草草  
頻卒歲斯文憂患餘聖哲垂彖繫

過津口

南岳白茲近湘流東逝深和風引桂楫春日漲雲  
岑回首過津口而多楓樹林白魚困密網黃鳥喧  
嘉音物微限通塞惻隱仁者心貧餘不盡酒膝有  
無聲琴聖賢兩寂寞眇眇獨開襟

紀行諸詩一片老境有如天降時雨山川出雲木  
葉盡脫石氣自青視入蜀詩別一境界蓋渾用力  
之迹而臻於化矣

次空靈岸

云。云。逆。素。浪。落。落。展。青。眺。幸。有。舟。楫。遲。得。盡。所。歷。  
 妙。空。靈。霞。石。峻。楓。枯。隱。奔。峭。青。春。猶。無。私。白。日。亦。  
 偏。照。可。使。營。吾。居。終。焉。託。長。嘯。毒。瘴。未。足。憂。兵。戈。  
 滿。邊。徼。嚮。者。留。遺。恨。恥。為。達。人。誚。迴。帆。覬。賞。延。佳。  
 處。領。其。要。

宿花石戍

午。辭。空。靈。岑。夕。得。花。石。戍。岸。疏。開。闢。水。木。雜。今。古。  
 樹。地。蒸。南。風。盛。春。熱。西。日。暮。四。序。本。平。分。氣。候。何。

迴。互。茫。茫。天。造。閒。理。亂。豈。恒。數。繫。舟。盤。藤。輪。策。杖。  
 古。樵。路。罷。人。不。在。村。野。圃。泉。自。注。柴。扉。雖。蕪。沒。農。  
 器。尙。牢。固。山。東。殘。逆。氣。吳。楚。守。王。度。誰。能。扣。君。門。  
 下。令。減。征。賦。

體兼鮑謝義入風詩

望嶽

南。嶽。配。朱。鳥。秩。禮。自。百。王。歛。吸。領。地。靈。鴻。洞。半。炎。  
 方。邦。家。用。祀。典。在。德。非。馨。香。巡。狩。何。寂。寥。有。虞。今。  
 則。亡。洎。吾。隘。世。網。行。邁。越。瀟。湘。渴。日。絕。壁。出。漾。舟。

循。還。肩。夕。言。酉。先。二。  
清。光。旁。祝。融。五。峰。尊。峰。次。低。昂。紫。蓋。獨。不。朝。爭。  
長。業。相。望。恭。聞。魏。夫。人。羣。仙。夾。翺。翔。有。時。五。峰。氣。  
散。風。如。飛。霜。牽。迫。限。修。途。未。暇。杖。崇。岡。歸。來。覲。命。  
駕。沐。浴。休。玉。堂。三。歎。問。府。主。曷。以。贊。我。皇。牲。璧。忍。  
衰。俗。神。其。思。降。祥。

岱華二詩筆意峭拔各極其變此則另闢一格出  
以典重以明德惟馨之意勗勵守土尤有立言之  
旨非徒得郊壇登歌氣象

沈德潛曰靈光縹渺氣象肅穆漢人練時日帝

臨諸章是此詩原本

岳麓山道林二寺行

玉。泉。之。南。麓。山。殊。道。林。林。壑。爭。盤。紆。寺。門。高。開。洞。  
庭。野。殿。脚。插。入。赤。沙。湖。五。月。寒。風。冷。佛。骨。六。時。天。  
樂。朝。香。爐。地。靈。步。步。雪。山。草。僧。寶。人。人。滄。海。珠。塔。  
劫。宮。牆。壯。麗。敵。香。厨。松。道。清。涼。俱。蓮。花。交。響。共。命。  
鳥。金。榜。雙。迴。三。足。烏。方。丈。涉。海。費。時。節。元。圃。尋。河。  
知。有。無。暮。年。且。喜。經。行。近。春。日。兼。蒙。暄。暖。扶。飄。然。  
斑。白。身。奚。適。傍。此。煙。霞。茅。可。誅。桃。源。人。家。易。制。度。



橘洲田土仍膏腴。潭府邑中甚淳古。太守庭內不  
喧呼。昔遭衰世皆晦迹。今幸樂國養微軀。依止老  
宿亦未晚。富貴功名焉足圖。久為野客尋幽慣。細  
學何顛免興孤。一重一掩吾肺腑。山鳥山花吾友  
于。宋公放逐曾題壁。物色分留與老夫。  
排比綿麗。

王嗣爽曰全篇一氣抒寫如珠走盤

歲晏行

歲云暮矣多北風。瀟湘洞庭白雪中。漁父天寒網

罟凍。莫徭射雁鳴桑弓。去年米貴闕軍食。今年米  
賤大傷農。高馬達官厭酒肉。此輩杼軸茅茨空。楚  
人重魚不重鳥。汝休枉殺南飛鴻。况聞處處鬻男  
女。割慈忍愛還租庸。往日用錢捉私鑄。今許鉛錫  
和青銅。刻泥為之最易得。好惡不合長相蒙。萬國  
城頭吹畫角。此曲哀怨何時終。  
聲哀厲而彌長其氣之老正在參錯中

追酬故高蜀州人日見寄 并序

開文書帙中檢所遺忘。因得故高常侍適往居

在成都時高任蜀州刺史人日相憶見寄詩淚  
 灑行間讀終篇末自注詩已十餘年莫記存歿  
 又六七年矣老病懷舊生意可知今海內忘形  
 故人獨漢中王瑀與昭州敬使君超先在愛而  
 不見情見乎辭大曆五年正月二十一日却追  
 酬高公此作因寄王及敬弟

自蒙蜀州人日作不意清詩久零落今晨散帙眼  
 忽開迸淚幽吟事如昨嗚呼壯士多慷慨合沓高  
 名動寥廓歎我悽悽求友篇感時鬱鬱匡君略錦

里春光空爛熳瑤墀侍臣已冥冥瀟湘水國傍  
 鼉郭杜秋天失鵬鶚東西南北更誰論白首扁舟  
 病獨存遙拱北辰纏寇盜欲傾東海洗乾坤邊塞  
 西蕃最充斥衣冠南渡多崩奔鼓瑟至今悲帝子  
 曳裾何處覓王門文章曹植波瀾闊服食劉安德  
 業尊長笛誰能亂愁思昭州詞翰與招魂

蘇大侍御訪江浦賦八韻紀異 并序

蘇大侍御渙靜者也旅於江側凡是不交州府  
 之客人事都絕久矣肩輿江浦忽訪老夫舟楫

而已茶酒內余請誦近詩肯吟數首才力素壯  
詞句動人接對明日憶其湧思雷出書篋几杖  
之外殷殷留金石聲賦八韻記異亦見老夫傾  
倒於蘇至矣

龐公不浪出蘇氏今有之再聞誦新作突過黃初  
詩乾坤幾反覆楊馬宜同時今晨清鏡中勝食齋  
房芝余髮喜却變白閒生黑絲昨夜舟火滅湘娥  
簾外悲百靈未敢散風破寒江遲  
結語奇妙耐人百味

仇兆鼈曰詩止七韻而題云八韻用韻取耦不  
取奇也

孫光憲曰渙有變律詩十九首上廣帥李公唐  
人謂渙詩長於諷刺得陳拾遺一鱗半甲後以  
作亂伏誅

題衡山縣文宣王廟新學堂呈陸宰

旄頭彗紫微無復俎豆事金甲相排蕩青衿一  
憔悴嗚呼已十年儒服弊於地征夫不遑息學者  
淪素志我行洞庭野歛得文翁肆侁侁胄子行若舞

風。零。至。周。室。宜。中。興。孔。門。未。應。棄。是。以。資。雅。才。渙。  
然。立。新。意。衡。山。雖。小。邑。首。唱。恢。大。義。因。見。縣。尹。心。  
根。源。舊。宮。闕。講。堂。非。曩。構。大。屋。加。塗。墜。下。可。容。百。  
人。牆。隅。亦。深。邃。何。必。三。千。徒。始。壓。戎。馬。氣。林。木。在。  
庭。戶。密。幹。疊。蒼。翠。有。井。朱。夏。時。轆。轤。凍。階。屺。耳。聞。  
讀。書。聲。殺。伐。災。髣。髴。故。國。延。歸。望。衰。顏。減。愁。思。南。  
紀。改。波。瀾。西。河。共。風。味。采。詩。倦。跋。涉。載。筆。尙。可。紀。  
高。歌。激。宇。宙。凡。百。慎。失。墜。  
氣。體。肅。穆。便。可。作。此。邑。修。學。記。

何焯曰感慨頓挫自成有韻之文

御選唐宋詩醇卷十二

早稲田大学図書館

011888008154